



1202

01
1919
PB-360

Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 01-05-43190-22/19 KM
Sarajevo, 21.04.2020. god.

SKUPŠTINA KANTONA SARAJEVO SARAJEVO

PREDMET: Odgovor na „Zastupničku inicijativu“

U prilogu dopisa dostavljamo Vam odgovor na pokrenutu zastupničku inicijativu na 16. Radnoj sjednici Skupštine Kantona Sarajevo održanoj dana 11.12.2019. godine, a od strane zastupnice Jasmina Bišćević-Tokić.

Pitanje:

“Trenutno mjesečni kupon za javni prijevoz u Kantonu Sarajevo za nezaposlene osobe iznosi 12 KM. Predlažem da Vlada Kantona Sarajevo nezaposlenim osobama obezbijedi besplatan javni prijevoz u Kantonu Sarajevo jer su nezaposlene osobe bez ikakvih primanja.”

Odgovor :

U skladu sa Zaključkom Vlada Kantona Sarajevo broj: 02-05-616-17-1/15 od 16.04. 2015. godine donesena je „Uredbe o cijeni mjesečne karte za prijevoz nezaposlenih osoba u javnom gradskom prijevozu na području Kantona Sarajevo“, kojom je propisano da cijena mjesečne karte u javnom linijskom prijevozu putnika u Kantonu Sarajevo za kategoriju putnika nezaposlenih lica iznosi 12,00 KM, a iznos plaća krajnji korisnik.

Odredbama člana 22. Zakona o komunalnim djelatnostima ("Službene novine Kantona Sarajevo", br. 14/16, 43/16, 19/17, 10/17-Ispravka i 19/17) regulisan je način utvrđivanja cijene komunalne usluge, odnosno odredbama stava (1) istog člana je utvrđeno da visinu cijene i način plaćanja komunalne usluge predlaže davalac komunalne usluge, na temelju detaljne kalkulacije, a u skladu sa odredbama člana 15. istog Zakona. U skladu sa Zakonom o komunalnim djelatnostima, Vlada Kantona Sarajevo je rješenjem broj: 02-05-29180-5/19 od 25.07.2019. godine imenovala Neovisno stručno tijelo za validnost kalkulacije i konačan prijedlog visine cijene karte u javnom linijskom prijevozu putnika u Kantonu Sarajevo sa zadatkom da dostavi Vladi Kantona Sarajevo validnost kalkulacije i konačan prijedlog visine cijene komunalnih usluga za korištenje javnog linijskog prijevoza putnika u Kantonu Sarajevo radi utvrđivanja stvarne cijene komunalnih usluga.

Neovisno stručno tijelo je shodno navedenom rješenju održalo sastanke na kojima je razmatran materijal dostavljen od strane KJKP "Gras" d.o.o. Sarajevo kao davaoca komunalne usluge.



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



Članovi Neovisnog stručnog tijela su zajednički sagledali troškove usluge javnog linijskog prijevoza putnika, kao i trenutne uslova na tržištu, a na bazi dostavljenih materijala i urađenog istraživanje Ministarstva saobraćaja Kantona Sarajevo „Utvrdjivanje strukture korisnika usluga javnog prijevoza u vozilima KJKP GRAS d.o.o.“, Neovisno stručno tijelo je sačinilo Mišljenje o validnosti kalkulacije cijene javnog linijskog prijevoza putnika, te predložilo korekciju cijena i potpisivanje Sporazuma sa prijevoznicima koji obavljaju javni linijski prijevoz putnika na „Mreži linija javnog linijskog prijevoza putnika na području Kantona Sarajevo“, gdje će sve strane potpisnice biti saglasne sa utvrđenom cijenom koštanja prijevoznih usluga i da je ista utvrđena u skladu sa odredbama člana 22. Zakona komunalnim djelatnostima Kantona Sarajevo kao stvarna cijena koštanja, što je detaljno obrazloženo u navedenom Mišljenju.

Vlada Kantona Sarajevo je na sjednici održanoj 30.12. 2019. godine donijela zaključak broj: 02-05-44303-32/19 i zaključak broj: 02-05-44303-31/19 kojim je usvojila cijene komunalne usluge u javnom linijskom prijevozu putnika u Kantonu Sarajevo, a kako slijedi:

Naziv karte	Broj zona za koje karta važi	Cijena sa PDV
	N [zona]	$1,17 \cdot C_{ij}^k$ [KM]
Penzioneri	Jedinstvena karta za sve zone	28,00
Nezaposleni	Jedinstvena karta za sve zone	30,00
Studenti	Jedinstvena karta za sve zone	45,00
Đaci (osnovna škola)	Samo karta za jednu zonu	26,00
Đaci (srednja škola)	1	45,00
Đaci (srednja škola)	2	59,00
Đaci (srednja škola)	3	65,00
Đaci (srednja škola)	4	75,00

U skladu sa zaključkom Vlade Kantona broj: 02-05-44303-32/19 potpisan je sporazum sa prijevoznicima 03.01.2020.godine.

Iz predhodnog se vidi da je za kategoriju nezaposleni mjesečna pretplatna karta iznosila 12,00 KM a iznos je plaćao krajnji korisnik, nova usvojena mjesečna pretplatna karta je 30,00 KM i Vlada Kantona je zaključkom broj: 02-05-44303-32/19 utvrdila:

“Privremene cijene Javnog prijevoza stupaju na snagu danom potpisivanja Sporazuma o privremenom utvrđivanju stvarne cijene koštanja javnog prijevoza sa svim prijevoznicima koji obavljaju javni prijevoz u Kantonu Sarajevo osim za kategorije korisnika nezaposlenih lica koja stupa na snagu od 01.07.2020. godine. Zadužuju se Ministarstvo saobraćaja Kantona Sarajevo i Ministarstvo za rad, socijalnu politiku, raseljena lica i izbjeglice Kantona Sarajevo da odgovarajućim odlukama reguliše subvencioniranje cijena karata za ovu kategoriju korisnika.”

U zavisnosti od raspoloživih sredstava u Budžetu Kantona Sarajevo utvrditi će se dio karte koji plaća putnik (nezaposleno lice) i dio koji se subvencionira iz Budžeta Kantona Sarajevo.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva



MINISTAR

Adil Mujic | m.ujic@ms.gov.ba



web: <http://ms.ks.gov.ba>

e-mail: ms@ms.ks.gov.ba

Tel: + 387 (0) 33 562-058, + 387 (0) 33 562-059

Sarajevo, Reisa Džemaludina Čauševića 1

